

Beasainen, 2019ko apirilaren 14ean

BILDURIK

Alde batetik, BEASAINGO UDALA, Aitor Aldasoro Iturbe alkate-lehendakari jaunak ordezkatuta, Beasaingo Udalaren Alkate-lehendakaria, Toki Araubidearen oinarriak erregulatzen dituen apirilaren 2ko 7/1985 legearen 21.artikulua.

Bestetik, BAREAK BEASAINGO MERKATARI ELKARTEA (N.I.F.: G20843868), Bakarne Lezeta Arrieta and. (NA 72444779T) Bareak Merkatarik Elkartearen Lehendakariak ordezkatuta.

AURREKINAK

- I. BAREAK BEASAINGO MERKATARI ELKARTEAK, hainbat jarduera antolatzen ditu urte osoan zehar herriko merkataritza sustatzeko.
- II. BAREAK BEASAINGO MERKATARI ELKARTEAK euskal kultur sustapenean ere, laguntzen du urtean zehar zenbait jardueratan parte hartuz.
- III. Hitzarmen honen helburua, elkartearen jarduerak egiteko, BAREAK MERKATARI ELKARTEAREN eta Udalaren arteko harremana erregulatzea da, 2019. urtean zehar jarduera desberdinak egiteko.

BALDINTZAK

LEHENA.- BAREAK MERKATARI ELKARTEAK 2019. urtean zehar honako jarduerak antolatzeko eta ordaintzeko konpromisoa hartzen du.

1. Urtean bi stock azoka. Bata neguan, otsailaren 22an eta 23an eta bestea udaberrian. Bareakekoak ez diren merkatariek ere aukera izango dute ekintza horretan parte hartzeko. Postuen garraioa, muntatzea eta desmuntatzea BAREAK MERKATARI ELKARTEAK antolatuko du.
2. Eguberrietan nahi duten erakusleiho eta lokalak dotoretzeko lehiaketa.
3. Eguberrietan herria dinamizatzeko hainbat ekintza.
4. Bere elkarte indartze aldera eta bazkide berriak erakarri nahian hainbat jarduera burutuko ditu, besteak beste, dossierrak, telemarketing-a, dendetara aurrez aurreko bisitak, bere irudi korporatiboa hobetuko du.
5. Beasain hiri txartela sustatzeko kanpaina.
6. Tokiko merkataritza ezagutarazteko eta sustatzeko sentsibilizazio kanpaina.
7. Udako animazio kanpaina.
8. Ostalaritza sustatzeko pintxoaren ibilbidea.
9. Bareak Friday
10. Bareakek antolatzen dituen ekintzen berri jendeak izateko telebistan eta hedabideetan publizitatea.
11. Udazkeneko zozketa
12. Merkatarik nahiz ostalarientzat formazio saioak urte osoan zehar.

BIGARRENA:-Beasaingo Udalak jarduera horien antolaketaarako 13,387,50€ emanek lagunduko

dio. Ordainketa zerga eta gizarte segurantzako betebeharretan eguneratuta dagoela kreditatu ondoren, jarduera bakoitza burutu eta gero. Udalak diru kopuru horrez gain ondorengoak ere jarriko ditu:

1. Beasaingo Udalak ekitaldiak burutzeko behar duen azpiegitura utziko dio: karpak, mahaiak, aulkiak, berogailuak, hesiak...

Udalak ematen duen diru-laguntza bateragarria izango da helburu berdinetarako elkarteak jasotzen dituen beste laguntzekin. Jasoz gero, ezagutu bezain pronto, Udalari jakinaraziko dio eta horrek hitzarmena berrikustea ekarriko du.

Diru-laguntzen Lege Orokorraren 13.artikuluan xedatutakoaren arabera, BAREAK MERKATARI ELKARTEAK egiaztatu beharko du ordaindu beharreko zergak, gizarte-segurantzakoak barne, egunean dituela.

HIRUGARRENA.- Bareak Merkatarari Elkarteak dagokio hitzarmendutako jardueren beharrezkoa den publizitatea egitea eta Beasaingo Udalaren laguntza (eta logotipoa erabiliz) aipatzea beraiek antolatutako jardueren buruz egien dituzten prentsarako ohar guztietan. Era berean, leku duin eta ikusgarrian aipatu beharko dira Beasaingo Udalaren laguntza, kartel, aldizkari, esku-egitarau e.a. motako zabalkunde-bitartekoak erabiltzen direnean.

LAUGARRENA.- Hizkuntz Politikako irizpideak jarraituz, idatziz sortzen diren material guztietan (kartel, diptiko, eskuliburu...) euskarari lehentasuna emango zaio eta materialen zirriborroak inprimategira eraman aurretik Udaletxera ekarriko dira testuen hizkuntz egokitasuna eta proportzioen zuzentasuna ziurtatzeko. Aurkezpenetan eta antzekoetan ere euskarak lehentasuna izango du.

BOSGARRENA.-Udalak hizkuntzari dagozkion arlo guztietarako bere laguntza eta lankidetzak eskainiko ditu.

SEIGARRENA.-Beasaingo Udalak beharrezkoak diren Udal Zerbitzuak eskaintzen jarraituko du, esandako jarduerak ongi burutuko dituela ziurtatzeko, eta Merkataritza Sailak beren antolaketa gainbegiratu ahal izango du.

ZAZPIGARRENA.- Beasaingo Udalak Bareak Merkatarari Elkarteak aurkeztutako kontuan hitzarmendutako zenbatekoa sartuko du jarduera bakoitza burutu eta gero, eta Bareak Merkatarari Elkarteak urtea amaitu baino lehen udalaren esku utzi beharko du ondorengo dokumentazioa:

- a) Jardueren azalpen memoria, bertan ekitaldi guztietan egindako hizkuntz erabilpenaren berri zehatza eta arrazoitua emanaz.
- b) Fakturak edo eskuratutako dokumentuak, ahal bada originalak, edota fotokopiak, egindako gastuen egiaztagiria.
- c) Idatziz sortutako materialaren ale bana aurkeztu beharko ditu.

ZORTZIGARRENA.- Hitzarmen hau betetzeari dagokion guztirako, Taldeek, Alkatetzak honetarako izendatzen duen edo dituen pertsona edo pertsonekin izango ditu zuzeneko harremanak.



Beasaingo udala



BEDERATZIGARRENA.- Emakumeen eta Gizonen Berdintasuna babesteko klausula. Elkarrekin berdintasuneko irizpideak (otsailaren 18ko 4/2005 Legea, Emakumeen eta Gizonen Berdintasunerakoa eta hau aldatzen duen otsailaren 16ko 3/2012 Legea) kontuan hartuko dituzte bai elkarrekin barruan, bai eta sustatzen dituzten proposamenak gauzatzeko garaian ere.

HAMARGARRENA.- Datu pertsonalak babesteko klausula.

- A. 1999ko abenduaren 13ko 15/1999 Lege Organikoak (DBLO) ezarritako betez, alegia, Datu Pertsonalak Babestekoan, alde bakoitzak erasandakoen baimen informatua lortzeko ardura izango du, hain zuzen ere, hitzarmen honen xede diren jardueren garapenean beharrezkoak diren beren datu pertsonalen tratamendurako. Era berean, alde bakoitzak hitzarmen honen xede diren jardueren garapenean erabilitako datu pertsonalen konfidentzialtasuna bermatzeko ardura izango du.
- B. Elkarrekin Beasaingo Udalarik datu pertsonalen lagapena eginez gero, uneoro, beren datu pertsonalak lagatzeko erasandakoen baimen informatua duela bermatu beharko du.
- C. Alde bakoitzak egin litzakeen indarrean dagoen datuak babesteko araudi honen ez-betetzeetatik letozkeen ardurak bere gain hartuko ditu.

HAMAIKAGARRENA.- Aurreko edozein baldintza behar bezala ez betetzeak hitzarmen hau berrikustea ekarriko du.

HAMABIGARRENA.- BAREAK MERKATARI ELKARTEAK (N.I.F. : G20843868) baimena ematen dio espresuki BEASAINGO UDALARI, Gipuzkoako Foru Aldundiko Ogasun eta Finantza Departamentutik eta Gizarte Segurantzatik eskura dezan, hitzarmen honetan aipatzen den ORDAINDU BEHARREKO ZERGAK EGUNEAK IZATEAREN baldintza betetzen duela egiaztatzen duen agiria:

Bai



Ez



Eta esandako guztiarekin ados egonik, bildutakoek dokumentu hau urte baterako sinatu dute bikoizturik, goiburuan aipatutako data eta lekuan.



Aitor Aldasoro
Beasaingo Udala

Bakarne Lezeta
Bareak merkatarik elkarrekin